

## 2023 Rhif (Cy.)

### ADDYSG, CYMRU

#### Gorchymyn Cyngor y Gweithlu Addysg (Categoriâu Cofrestru Ychwanegol) (Cymru) 2023

##### NODYN ESBONIADOL

(Nid yw'r nodyn hwn yn rhan o'r Gorchymyn)

Mae Deddf Addysg (Cymru) 2014 ("Deddf 2014") yn gwneud darpariaeth mewn perthynas â Chyngor y Gweithlu Addysg ("y Cyngor"). Mae Rhan 2 o Ddeddf 2014 yn rhoi swyddogaethau i'r Cyngor mewn perthynas â phersonau y mae'n ofynnol iddynt gofrestru yn y gofrestr y mae'r Cyngor yn ei chynnal yn unol ag adran 9 o'r Ddeddf honno ("y Gofrestr").

Mae'r categorïau o bersonau cofrestredig wedi eu nodi yn Nhabl 1 ym mharagraff 1 yn Atodlen 2 i Ddeddf 2014. Mae gan Weinidogion Cymru y pŵer ym mharagraff 2 o'r Atodlen honno i ychwanegu, diwygio neu ddileu categorï cofrestru. Yn unol â hynny, mae Rhan 6 o'r Gorchymyn hwn yn diwygio Tabl 1 ym mharagraff 1 yn Atodlen 2 i Ddeddf 2014 er mwyn ychwanegu'r categorïau a ganlyn o bersonau cofrestredig—

- athro neu athrawes ysgol annibynnol,
- gweithiwr cymorth dysgu mewn ysgol annibynnol,
- athro neu athrawes sefydliad ôl-16 arbennig annibynnol, a
- gweithiwr cymorth dysgu mewn sefydliad ôl-16 arbennig annibynnol.

Mae Rhan 2 o'r Gorchymyn hwn yn pennu gwasanaethau athro neu athrawes ysgol annibynnol. Ni chaniateir i'r gwasanaethau hyn gael eu darparu mewn neu ar ran ysgolion annibynnol ond gan bersonau sydd wedi eu cofrestru â'r Cyngor yn y categorï athro neu athrawes ysgol annibynnol. Mae'r Rhan hon hefyd yn darparu mai dim ond personau sydd wedi eu cofrestru yn y categorï gweithiwr cymorth dysgu mewn ysgol annibynnol a gaiff gefnogi'r gwaith o ddarparu gwasanaethau athro neu athrawes ysgol annibynnol

mewn neu ar ran ysgol annibynnol. Fodd bynnag, nid yw'r gofynion i gofrestru a nodir yn y Rhan hon yn gymwys i bersonau sy'n darparu'r gwasanaethau neu'n cefnogi'r gwaith o ddarparu gwasanaethau fel gwirfoddolwyr.

Mae Rhan 3 o'r Gorchymyn hwn yn pennu gwasanaethau athro neu athrawes sefydliad ôl-16 arbennig annibynnol. Ni chaniateir i'r gwasanaethau hyn gael eu darparu mewn neu ar ran sefydliad ôl-16 arbennig annibynnol ond gan bersonau sydd wedi eu cofrestru â'r Cyngor yn y categori athro neu athrawes sefydliad ôl-16 arbennig annibynnol. Mae'r Rhan hon hefyd yn darparu mai dim ond personau sydd wedi eu cofrestru yn y categori gweithiwr cymorth dysgu mewn sefydliad ôl-16 arbennig annibynnol a gaiff gefnogi'r gwaith o ddarparu gwasanaethau athro neu athrawes sefydliad ôl-16 arbennig annibynnol mewn neu ar ran sefydliad ôl-16 arbennig annibynnol. Fodd bynnag, nid yw'r gofynion i gofrestru a nodir yn y Rhan hon yn gymwys i bersonau sy'n darparu'r gwasanaethau neu'n cefnogi'r gwaith o ddarparu gwasanaethau fel gwirfoddolwyr.

Mae Rhan 4 o'r Gorchymyn hwn yn gwneud diwygiadau i Orchymyn Cyngor y Gweithlu Addysg (Cofrestru Gweithwyr Ieuentid, Gweithwyr Cymorth Ieuentid ac Ymarferwyr Dysgu Seiliedig ar Waith) 2016 ("Gorchymyn 2016"). Rhoddir cyfeiriadau at "cyflogwr perthnasol" yn lle cyfeiriadau at "corff perthnasol" yng Ngorchymyn 2016. Ystyr cyflogwr perthnasol yw person sy'n cyflogi neu fel arall yn cymryd ymlaen bersonau i ddarparu gwasanaethau datblygu ieuentid yng Nghymru.

Mae'r Rhan hon hefyd yn darparu bod person yn gymwys i gofrestru dros dro fel gweithiwr ieuentid os yw'n gweithio tuag at ennill cymhwyster gweithiwr ieuentid. Hefyd, mae person yn gymwys i gofrestru dros dro fel gweithiwr cymorth ieuentid os yw'n gweithio tuag at ennill cymhwyster gweithiwr cymorth ieuentid. Rhaid i berson sy'n gymwys i gofrestru dros dro fod yn gofrestredig dros dro er mwyn darparu gwasanaethau datblygu ieuentid ar gyfer neu ar ran cyflogwr perthnasol (oni bai ei fod yn darparu'r gwasanaethau fel gwirfoddolwr).

Mae'r Rhan hon hefyd yn gosod dyletswyddau ar Gyngor y Gweithlu Addysg i lunio a chynnal rhestr o gymwysterau gweithwyr ieuentid a chymwysterau gweithwyr cymorth ieuentid. Rhaid i Gyngor y Gweithlu Addysg hysbysu Gweinidogion Cymru, yn flynyddol, am unrhyw ddiwygiadau y dylid eu gwneud i'r rhestr o gymwysterau gweithwyr ieuentid a'r rhestr o gymwysterau gweithwyr cymorth ieuentid fel y'u nodir yn Atodlenni 1 a 2 i Orchymyn 2016.

Mae Rhan 5 yn gwneud diwygiadau i Reoliadau Cyngor y Gweithlu Addysg (Prif Swyddogaethau)

(Cymru) 2015 (“Rheoliadau 2015”) mewn perthynas ag athrawon ysgol a gweithwyr cymorth dysgu. Mae’r diffiniad o “gwaith penodedig” yn rheoliad 17 wedi ei ddiwygio er mwyn gwneud yn siŵr bod pob pennaeth yn cael ei gwmpasu yn y categori athro neu athrawes ysgol. Mae’r diwygiadau hefyd yn symleiddio’r gofynion mewn perthynas â gweithwyr cymorth dysgu mewn ysgolion ac yn ei gwneud yn glir nad oes rhaid i athro neu athrawes ysgol gofrestru yn y categori gweithiwr cymorth dysgu hefyd.

Mae Rhan 7 o’r Gorchymyn hwn yn diwygio Rheoliadau Cyngor y Gweithlu Addysg (Ffioedd Cofrestru) 2017 er mwyn gwneud darpariaeth mewn perthynas â swm y ffi gofrestru sy’n daladwy gan y categorïau cofrestru newydd. Mae’r ffioedd sy’n daladwy ar gyfer pob categori cofrestru wedi eu nodi yn rheoliad 4 o Rheoliadau 2017. Mae rheoliad 4 hefyd yn darparu y caiff Gweinidogion Cymru benderfynu swm y cymhorthdal a roddir tuag at y ffioedd cofrestru hynny ac yn ei gwneud yn ofynnol iddynt gyhoeddi swm y cymhorthdal hwnnw ar wefan Llywodraeth Cymru.

Ystyriwyd cod ymarfer Gweinidogion Cymru ar gynnal asesiadau effaith rheoleiddiol mewn perthynas â’r Rheoliadau hyn. O ganlyniad, lluniwyd asesiad effaith rheoleiddiol o’r costau a’r manteision sy’n debygol o ddeillio o gydymffurfio â’r Rheoliadau hyn. Gellir cael copi oddi wrth: Llywodraeth Cymru, Parc Cathays, Caerdydd CF10 3NQ ac ar wefan Llywodraeth Cymru ar [www.llyw.cymru](http://www.llyw.cymru).

**2023 Rhif (Cy. )**

**ADDYSG, CYMRU**

**Gorchymyn Cyngor y Gweithlu  
Addysg (Categoriâu Cofrestru  
Ychwanegol) (Cymru) 2023**

*Gwnaed* \*\*\*

*Yn dod i rym* \*\*\*

Mae Gweinidogion Cymru, drwy arfer y pwerau a roddir iddynt gan adrannau 5(1), 10(2)(b)(1), 12(1)(2), 13(1)(3), 14(4) a 47(1) o Ddeddf Addysg (Cymru) 2014(5) a pharagraff 2 o Atodlen 2 iddi, ar ôl ymgynghori â'r personau hynny y maent yn ystyried eu bod yn briodol, yn gwneud y Gorchymyn a ganlyn.

Yn unol ag adran 47(2) o Ddeddf Addysg (Cymru) 2014, gosodwyd drafft o'r Gorchymyn hwn gerbron Senedd Cymru ac fe'i cymeradwywyd ganddi drwy benderfyniad(6).

- 
- (1) Caniateir arfer y pŵer i wneud rheoliadau o dan adran 10(2)(b) o Ddeddf Addysg (Cymru) 2014 er mwyn gwneud gorchymyn yn rhinwedd adran 39 o Ddeddf Deddfwriaeth (Cymru) 2019 (dccc 4).
  - (2) Caniateir arfer y pŵer i wneud rheoliadau o dan adran 12(1) o Ddeddf Addysg (Cymru) 2014 er mwyn gwneud gorchymyn yn rhinwedd adran 39 o Ddeddf Deddfwriaeth (Cymru) 2019 (dccc 4).
  - (3) Caniateir arfer y pŵer i wneud rheoliadau o dan adran 13(1) o Ddeddf Addysg (Cymru) 2014 er mwyn gwneud gorchymyn yn rhinwedd adran 39 o Ddeddf Deddfwriaeth (Cymru) 2019 (dccc 4).
  - (4) Caniateir arfer y pŵer i wneud rheoliadau o dan adran 14 o Ddeddf Addysg (Cymru) 2014 er mwyn gwneud gorchymyn yn rhinwedd adran 39 o Ddeddf Deddfwriaeth (Cymru) 2019 (dccc 4).
  - (5) 2014 dccc 5.
  - (6) Mae'r cyfeiriad yn adran 47(2) at Gynulliad Cenedlaethol Cymru bellach yn cael effaith fel cyfeiriad at Senedd Cymru, yn rhinwedd adran 150A(2) o Ddeddf Llywodraeth Cymru 2006 (p. 32). Gweler hefyd adran 40 o Ddeddf Deddfwriaeth (Cymru) 2019 (dccc 4) am ddarpariaeth ynghylch y weithdrefn sy'n gymwys i'r offeryn hwn.

# RHAN 1

## CYFFREDINOL

### Enwi a chychwyn

1.—(1) Enw'r Gorchymyn hwn yw Gorchymyn Cyngor y Gweithlu Addysg (Categoriâu Cofrestru Ychwanegol) (Cymru) 2023.

(2) Daw'r Gorchymyn hwn i rym ar XXX.

### Dehongli

2. Yn y Gorchymyn hwn—

ystyr “Deddf 2014” (“*the 2014 Act*”) yw Deddf Addysg (Cymru) 2014;

ystyr “Gorchymyn 2016” (“*the 2016 Order*”) yw Gorchymyn Cyngor y Gweithlu Addysg (Cofrestru Gweithwyr Ieuenctid, Gweithwyr Cymorth Ieuenctid ac Ymarferwyr Dysgu Seiliedig ar Waith) 2016(1);

mae i “sefydliad ôl-16 arbennig annibynnol” (“*independent special post-16 institution*”) yr ystyr a roddir yn adran 56(6) o Ddeddf Anghenion Dysgu Ychwanegol a'r Tribiwnlys Addysg (Cymru) 2018(2);

ystyr “Rheoliadau 2015” (“*the 2015 Regulations*”) yw Rheoliadau Cyngor y Gweithlu Addysg (Prif Swyddogaethau) (Cymru) 2015(3);

ystyr “Rheoliadau 2017” (“*the 2017 Regulations*”) yw Rheoliadau Cyngor y Gweithlu Addysg (Ffioedd Cofrestru) 2017(4);

mae i “ysgol annibynnol” yr ystyr a roddir i “independent school” yn adran 463 o Ddeddf Addysg 1996(5).

---

(1) O.S. 2016/1183 (Cy. 288).

(2) 2018 dccc 2.

(3) O.S. 2015/140 (Cy. 8), fel y'i diwygiwyd gan Reoliadau Cyngor y Gweithlu Addysg (Prif Swyddogaethau) (Cymru) (Diwygio) 2016, O.S. 2016/6 (Cy. 4) a chan Reoliadau Cymwysterau Athrawon (Diwygio) (Cymru) (Ymadael â'r UE) 2019, O.S. 2019/444 (Cy. 107).

(4) O.S. 2017/92 (Cy. 34).

(5) 1996 p. 56.

## RHAN 2

### YSGOLION ANNIBYNNOL

#### **Gwasanaethau athro neu athrawes ysgol annibynnol**

3.—(1) Mae pob un o'r gweithgareddau a ganlyn yn wasanaethau athro neu athrawes ysgol annibynnol at ddibenion y Rhan hon—

- (a) cynllunio a pharatoi gwersi a chyrсияu ar gyfer disgyblion,
- (b) cyflwyno gwersi i ddisgyblion,
- (c) asesu datblygiad, cynnydd a chyrrhaeddiad disgyblion,
- (d) adrodd ar ddatblygiad, cynnydd a chyrrhaeddiad disgyblion,
- (e) ymgymryd â rôl yr uwch-arweinydd o ran rheoli'r ysgol.

(2) Ym mharagraff (1)(b) mae "cyflwyno" yn cynnwys cyflwyno drwy ddulliau dysgu o bell neu ddulliau dysgu â chymorth cyfrifiadur.

#### **Y gofyniad i fod yn gofrestredig: athro neu athrawes ysgol annibynnol**

4. Ni chaiff person ddarparu gwasanaethau athro neu athrawes ysgol annibynnol mewn neu ar ran ysgol annibynnol yng Nghymru (ac eithrio fel gwirfoddolwr) oni bai ei fod wedi ei gofrestru o dan adran 9 o Ddeddf 2014 (cofrestr a gynhelir gan y Cyngor) yn y categori athro neu athrawes ysgol annibynnol.

#### **Y gofyniad i fod yn gofrestredig: gweithiwr cymorth dysgu mewn ysgol annibynnol**

5.—(1) Ni chaiff person gefnogi'r gwaith o ddarparu gwasanaethau athro neu athrawes ysgol annibynnol mewn neu ar ran ysgol annibynnol yng Nghymru (ac eithrio fel gwirfoddolwr) oni bai ei fod wedi ei gofrestru o dan adran 9 o Ddeddf 2014 (cofrestr a gynhelir gan y Cyngor) yn y categori gweithiwr cymorth dysgu mewn ysgol annibynnol.

(2) Nid yw paragraff (1) yn gymwys i berson sydd wedi ei gofrestru o dan adran 9 o Ddeddf 2014 (cofrestr a gynhelir gan y Cyngor) yn y categori athro neu athrawes ysgol annibynnol.

RHAN 3  
SEFYDLIADAU ÔL-16 ARBENNIG  
ANNIBYNNOL

**Gwasanaethau athro neu athrawes sefydliad ôl-16 arbennig annibynnol**

6.—(1) Mae pob un o'r gweithgareddau a ganlyn yn wasanaethau athro neu athrawes sefydliad ôl-16 arbennig annibynnol at ddibenion y Rhan hon—

- (a) cynllunio a pharatoi addysg a hyfforddiant ar gyfer dysgwyr,
- (b) cyflwyno addysg a hyfforddiant i ddysgwyr,
- (c) asesu datblygiad a chynnydd dysgwyr,
- (d) adrodd ar ddatblygiad a chynnydd dysgwyr,
- (e) ymgymryd â rôl yr uwch-arweinydd o ran rheoli'r sefydliad ôl-16 arbennig annibynnol.

(2) Ym mharagraff (1)(b) mae “cyflwyno” yn cynnwys cyflwyno drwy ddulliau dysgu o bell neu ddulliau dysgu â chymorth cyfrifiadur.

**Y gofyniad i fod yn gofrestredig: athrawon sefydliad ôl-16 arbennig annibynnol**

7. Ni chaiff person ddarparu gwasanaethau athro neu athrawes sefydliad ôl-16 arbennig annibynnol mewn neu ar ran sefydliad ôl-16 arbennig annibynnol yng Nghymru (ac eithrio fel gwirfoddolwr) oni bai ei fod wedi ei gofrestru o dan adran 9 o Ddeddf 2014 (cofrestr a gynhelir gan y Cyngor) yn y categori athro neu athrawes sefydliad ôl-16 arbennig annibynnol.

**Y gofyniad i fod yn gofrestredig: gweithiwr cymorth dysgu mewn sefydliad ôl-16 arbennig annibynnol**

8.—(1) Ni chaiff person gefnogi'r gwaith o ddarparu gwasanaethau athro neu athrawes sefydliad ôl-16 arbennig annibynnol mewn neu ar ran sefydliad ôl-16 arbennig annibynnol yng Nghymru (ac eithrio fel gwirfoddolwr) oni bai ei fod wedi ei gofrestru o dan adran 9 o Ddeddf 2014 (cofrestr a gynhelir gan y Cyngor) yn y categori gweithiwr cymorth dysgu mewn sefydliad ôl-16 arbennig annibynnol.

(2) Nid yw paragraff (1) yn gymwys i berson sydd wedi ei gofrestru o dan adran 9 o Ddeddf 2014 (cofrestr a gynhelir gan y Cyngor) yn y categori gweithiwr cymorth dysgu mewn sefydliad ôl-16 arbennig annibynnol.

RHAN 4  
GWAITH IEUENCTID

**Diwygiad i Orchymyn 2016**

9.—(1) Mae Gorchymyn 2016 wedi ei ddiwygio fel a ganlyn.

(2) Yn erthygl 2—

(a) hepgorer y diffiniadau o “corff gwirfoddol” a “corff perthnasol”;

(b) mewnosoder yn y lle priodol—

“ystyr “cyflogwr perthnasol” (*“relevant employer”*) yw person sy’n cyflogi neu fel arall yn cymryd ymlaen bersonau i ddarparu gwasanaethau datblygu ieuencid yng Nghymru;”;

“ystyr “Cyngor y Gweithlu Addysg” (*“Education Workforce Council”*) yw Cyngor y Gweithlu Addysg y parhawyd â’i fodolaeth gan adran 2(1) o Ddeddf 2014;”.

(3) Yn erthygl 3, ar ôl paragraff (2) mewnosoder—

“(3) Rhaid i Gyngor y Gweithlu Addysg—

(a) llunio a chynnal rhestr o gymwysterau gweithwyr ieuencid, a

(b) hysbysu Gweinidogion Cymru yn flynyddol pa un a ddylid diwygio’r rhestr o gymwysterau gweithwyr ieuencid a bennir yn Rhan 1 o Atodlen 1.”

(4) Ar ôl erthygl 3 mewnosoder—

**“Cofrestru dros dro weithwyr ieuencid**

**3A.** Caiff person fod wedi ei gofrestru ar sail dros dro fel gweithiwr ieuencid os yw’r person yn gweithio tuag at ennill un o’r cymwysterau a bennir fel cymwysterau gweithwyr ieuencid yn Rhan 1 o Atodlen 1.”

(5) Yn erthygl 4—

(a) ym mharagraff (1)—

(i) yn lle “sy’n dod o fewn y categori gweithiwr ieuencid yn Nhabl 1 ym mharagraff 1 o Atodlen 2 i Ddeddf 2014” rhodder “sydd o fewn paragraff 1A”,

(ii) ar ôl “gwasanaethau datblygu ieuencid” mewnosoder “yng Nghymru”, a

(iii) yn lle “corff” rhodder “cyflogwr”;

(b) ar ôl paragraff (1) mewnosoder—

“(1A) Mae person o fewn y paragraff hwn—

(a) os yw’r person yn dod o fewn y categori gweithiwr ieuencid yn Nhabl



1 ym mharagraff 1 o Atodlen 2 i Ddeddf 2014, neu

- (b) os yw'r person yn gweithio tuag at ennill un o'r cymwysterau a bennir fel cymwysterau gweithwyr ieuenctid yn Rhan 1 o Atodlen 1."

(6) Yn erthygl 5, ar ôl paragraff (2) mewnosoder—

“(3) Rhaid i Gyngor y Gweithlu Addysg—

- (a) llunio a chynnal rhestr o gymwysterau gweithwyr cymorth ieuenctid, a
- (b) hysbysu Gweinidogion Cymru yn flynyddol pa un a ddylid diwygio'r rhestr o gymwysterau gweithwyr cymorth ieuenctid a bennir yn Rhan 1 o Atodlen 2.”

(7) Ar ôl erthygl 5 mewnosoder—

**“Cofrestru dros dro weithwyr cymorth ieuenctid**

**5A.** Caiff person fod wedi ei gofrestru ar sail dros dro fel gweithiwr cymorth ieuenctid os yw'r person yn gweithio tuag at ennill un o'r cymwysterau a bennir fel cymwysterau gweithwyr cymorth ieuenctid yn Rhan 1 o Atodlen 2.”

(8) Yn erthygl 6—

(a) ym mharagraff (1)—

- (i) yn lle “sy'n dod o fewn y categori gweithiwr cymorth ieuenctid yn Nhabl 1 ym mharagraff 1 o Atodlen 2 i Ddeddf 2014” rhodder “sydd o fewn paragraff (1A)”,
- (ii) ar ôl “gwasanaethau datblygu ieuenctid” mewnosoder “yng Nghymru”, a
- (iii) yn lle “corff” rhodder “cyflogwr”;

(b) ar ôl paragraff (1) mewnosoder—

“(1A) Mae person o fewn y paragraff hwn—

- (a) os yw'r person yn dod o fewn y categori gweithiwr cymorth ieuenctid yn Nhabl 1 ym mharagraff 1 o Atodlen 2 i Ddeddf 2014, neu
- (b) os yw'r person yn gweithio tuag at ennill un o'r cymwysterau a bennir fel cymwysterau gweithwyr cymorth ieuenctid yn Rhan 1 o Atodlen 2.”;

(c) Yn lle paragraff (2) rhodder—

“(2) Nid yw paragraff (1) yn gymwys i berson—

- (a) sy'n darparu gwasanaethau gweithiwr cymorth ieuenctid y mae Rhan 2 o

Reoliadau 2015 yn gymwys mewn cysylltiad â hwy (rhyddid i ddarparu gwasanaethau yn y Deyrnas Unedig ar sail dros dro ac achlysurol); neu

- (b) sydd wedi ei gofrestru ar sail dros dro fel gweithiwr ieuencid yn unol ag erthygl 4.”

(9) Mae Atodlen 1 (Gweithwyr Ieuencid) wedi ei diwygio yn unol â'r Atodlen i'r Gorchymyn hwn.

(10) Yn Atodlen 2—

- (a) ym mharagraff 3(2) hepgorer paragraffau (a) a (b),
- (b) ym mharagraff 4(2) hepgorer paragraffau (a) i (d),
- (c) ym mharagraff 5(2) hepgorer paragraff (a), a
- (d) ym mharagraff 6(2) hepgorer paragraffau (a) i (e).

(11) Ond mae'r darpariaethau a hepgorir gan baragraff (10) yn parhau i gael effaith mewn perthynas â phersonau sydd wedi eu cofrestru yn y categori gweithiwr cymorth ieuencid cyn cychwyn y Gorchymyn hwn hyd XX.

## RHAN 5

### ATHRAWON YSGOL A GWEITHWYR CYMORTH DYSGU MEWN YSGOLION

#### Diwygiadau i Reoliadau 2015

**10.**—(1) Mae Rheoliadau 2015 wedi eu diwygio fel a ganlyn.

(2) Yn rheoliad 15—

- (a) ailrifery y testun presennol yn baragraff (1);
- (b) ar ôl paragraff (1) fel y'i hailrifwyd mewnosoder—

“(2) Mae'r rheoliad hwn yn ddarostyngedig i reoliad 18A (amgylchiadau pan gaiff gweithiwr cymorth dysgu gyflawni'r gwaith a bennir yn rheoliad 17).”

(3) Yn rheoliad 17(1)—

- (a) yn is-baragraff (c) hepgorer yr “a” ar y diwedd;
- (b) ar ôl is-baragraff (d) mewnosoder—

“(e) ymgymryd â rôl yr uwch-arweinydd o ran rheoli'r ysgol.”

(4) Yn lle rheoliad 18A rhodder—

## **“Gweithwyr cymorth dysgu mewn ysgolion**

**18A.**—(1) Ni chaiff person gefnogi'r gwaith o ddarparu'r gwasanaethau a bennir yn rheoliad 17 mewn neu ar gyfer ysgol yng Nghymru (ac eithrio fel gwirfoddolwr) oni bai—

- (a) ei fod wedi ei gofrestru o dan adran 9 o Ddeddf 2014 (cofrestr a gynhelir gan y Cyngor) yn y categori gweithiwr cymorth dysgu mewn ysgol; a
- (b) bod y pennaeth yn fodlon bod y person yn meddu ar y sgiliau, yr arbenigedd a'r profiad i gefnogi'r gwaith o ddarparu gwasanaethau mewn ysgol.

(2) Nid yw paragraff (1) yn gymwys i berson sydd wedi ei gofrestru o dan adran 9 o Ddeddf 2014 (cofrestr a gynhelir gan y Cyngor) yn y categori athro neu athrawes ysgol.”

## **RHAN 6**

### **DIWYGIADAU I DDEDDF 2014**

#### **Diwygiadau i Ddeddf 2014**

**11.**—(1) Mae Deddf 2014 wedi ei diwygio fel a ganlyn.

(2) Yn Nhabl 1 ym mharagraff 1 yn Atodlen 2—

- (a) yn lle'r disgrifiad o “Gweithiwr cymorth dysgu mewn ysgol” rhodder—

“Person, ac eithrio athro neu athrawes ysgol, sy'n bodloni'r gofynion a bennir mewn rheoliadau a wneir o dan adran 14(1)(a)(ii) ac sy'n cefnogi (neu sy'n dymuno cefnogi) y gwaith o ddarparu unrhyw un neu ragor o'r gwasanaethau a bennir mewn rheoliadau a wneir o dan yr adran honno mewn ysgol.”;

- (b) mewnosoder ar ôl y cofnod ar gyfer “Ymarferydd dysgu seiliedig ar waith”—

#### **Tabl 1**

“Athro neu athrawes ysgol annibynnol	Person sy'n darparu (neu sy'n dymuno darparu) gwasanaethau athro neu athrawes ysgol annibynnol mewn neu ar ran ysgol annibynnol yng Nghymru.
Gweithiwr cymorth dysgu mewn ysgol annibynnol	Person, ac eithrio athro neu athrawes ysgol annibynnol, sy'n cefnogi (neu sy'n dymuno cefnogi) unrhyw un neu

	ragor o'r gwasanaethau a bennir fel gwasanaethau athro neu athrawes ysgol annibynnol mewn neu ar ran ysgol annibynnol yng Nghymru.
Athro neu athrawes sefydliad ôl-16 arbennig annibynnol	Person sy'n darparu (neu sy'n dymuno darparu) gwasanaethau athro neu athrawes sefydliad ôl-16 arbennig annibynnol mewn neu ar ran sefydliad ôl-16 arbennig annibynnol yng Nghymru.
Gweithiwr cymorth dysgu mewn sefydliad ôl-16 arbennig annibynnol	Person, ac eithrio athro neu athrawes sefydliad ôl-16 arbennig annibynnol, sy'n cefnogi (neu sy'n dymuno cefnogi) unrhyw un neu ragor o'r gwasanaethau a bennir fel gwasanaethau athro neu athrawes sefydliad ôl-16 arbennig annibynnol mewn neu ar ran sefydliad ôl-16 arbennig annibynnol yng Nghymru."

(3) Ym mharagraff 3 yn y lleoedd priodol mewnosoder—

““gwasanaethau athro neu athrawes sefydliad ôl-16 arbennig annibynnol” (“*independent special post-16 institution teacher services*”) yw gwasanaethau a bennir felly mewn gorchymyn a wneir o dan baragraff 2;”;

““gwasanaethau athro neu athrawes ysgol annibynnol” (“*independent school teacher services*”) yw gwasanaethau a bennir felly mewn gorchymyn a wneir o dan baragraff 2;”;

“mae i “sefydliad ôl-16 arbennig annibynnol” (“*independent special post-16 institution*”) yr ystyr a roddir yn adran 56(6) o Ddeddf Anghenion Dysgu Ychwanegol a'r Tribiwnlys Addysg (Cymru) 2018 (dccc 2);”;

“mae i “ysgol annibynnol” yr ystyr a roddir i “independent school” yn adran 463 o Ddeddf 1996.”

(4) Yn Nhabl 3 yn Atodlen 4, yn y lleoedd priodol yn y Tabl mewnosoder—

Gair neu ymadrodd	Gair neu ymadrodd yn y Saesneg	Darpariaeth berthnasol
“Athro neu athrawes sefydliad ôl-16 arbennig	Independent special post-16 institution teacher	Atodlen 2”

annibynnol		
“Athro neu athrawes ysgol annibynnol	Independent school teacher	Atodlen 2”
“Dysgu seiliedig ar waith	Work based learning	Atodlen 2”
“Gwasanaethau datblygu ieuencid	Youth development services	Atodlen 2”
“Gwasanaethau ymarferydd dysgu seiliedig ar waith	Work based learning practitioner services	Atodlen 2”
“Gweithiwr cymorth dysgu mewn sefydliad ôl-16 arbennig annibynnol	Independent special post-16 institution learning support worker	Atodlen 2”
“Gweithiwr cymorth dysgu mewn ysgol annibynnol	Independent school learning support worker	Atodlen 2”
“Gweithiwr cymorth ieuencid	Youth support worker	Atodlen 2”
“Gweithiwr ieuencid	Youth worker	Atodlen 2”
“Sefydliad ôl-16 arbennig annibynnol	Independent special post-16 institution	Atodlen 2”
“Ymarferydd dysgu seiliedig ar waith	Work based learning practitioner	Atodlen 2”
“Ysgol annibynnol	Independent school	Atodlen 2”

## RHAN 7

### DIWYGIADAU I REOLIADAU 2017

#### Diwygiadau i reoliad 4

**12.** Yn rheoliad 4 o Reoliadau 2017, ar ôl paragraff (1)(g) mewnosoder—

- “(h) £46 y flwyddyn ar gyfer athro neu athrawes ysgol annibynnol(1);
- (i) £46 y flwyddyn ar gyfer gweithiwr cymorth dysgu mewn ysgol annibynnol(2);
- (j) £46 y flwyddyn ar gyfer athro neu athrawes sefydliad ôl-16 arbennig annibynnol(3);
- (k) £46 y flwyddyn ar gyfer gweithiwr cymorth dysgu mewn sefydliad ôl-16 arbennig annibynnol(4).”

Dyddiad XXX

- 
- (1) Fel y'i diffinnir yn y cofnod ar gyfer X yn Nhabl 1 yn Atodlen 2 i Ddeddf 2014.
- (2) Fel y'i diffinnir yn y cofnod ar gyfer X yn Nhabl 1 yn Atodlen 2 i Ddeddf 2014..
- (3) Fel y'i diffinnir yn y cofnod ar gyfer X yn Nhabl 1 yn Atodlen 2 i Ddeddf 2014..
- (4) Fel y'i diffinnir yn y cofnod ar gyfer X yn Nhabl 1 yn Atodlen 2 i Ddeddf 2014.

## YR ATODLEN erthygl 9(9)

### Cymwysterau Gweithwyr Ieuenctid

#### Cymwysterau gweithwyr ieuenctid: Cymru

1.—(1) Mae Rhan 1 o Atodlen 1 i Orchymyn 2016 wedi ei diwygio yn unol â'r Atodlen hon.

(2) Yn Nhabl 1: Cymru, yn y lleoedd priodol mewnosoder—

---

#### *Cymwysterau o ran Corff dyfarnu Cymru*

---

“Diploma ôl-raddedig mewn gwaith ieuenctid ac addysg gymdeithasol	Prifysgol Cymru: Y Drindod Dewi Sant”
“Gradd israddedig mewn gwaith ieuenctid ac addysg gymdeithasol	Prifysgol Cymru: Y Drindod Dewi Sant”
“Gradd israddedig mewn gwaith ieuenctid ac addysg gymdeithasol gyda blwyddyn sylfaen	Prifysgol Cymru: Y Drindod Dewi Sant”
“Gradd ôl-raddedig mewn gwaith ieuenctid a chymunedol gyda diploma ôl-raddedig mewn gwaith ieuenctid a chymunedol	Prifysgol Metropolitan Caerdydd”
“Gradd ôl-raddedig mewn gwaith ieuenctid ac addysg gymdeithasol	Prifysgol Cymru: Y Drindod Dewi Sant”

(3) Yn Nhabl 2: Lloegr—

(a) yn y lleoedd priodol mewnosoder—

---

#### *Cymwysterau o ran Corff dyfarnu Lloegr*

---

“Diploma ôl-raddedig mewn astudiaethau plentynod, ieuenctid a theulu: llwybr gwaith ieuenctid	University of Bedfordshire”
“Diploma ôl-raddedig mewn gwaith ieuenctid, arwain ac ymarfer	Nottingham Trent University”

“Diploma ôl-raddedig mewn gwaith ieuentid, iechyd ac arweinyddiaeth gymunedol	De Montfort University”
“Gradd israddedig mewn astudiaethau addysg: gwaith ieuentid a chymunedol	University of Hull”
“Gradd israddedig mewn astudiaethau proffesiynol ym maes plant a gwaith ieuentid	Bishop Grosseteste University”
“Gradd israddedig mewn datblygu cymunedol a gwaith ieuentid	University of Bolton”
“Gradd israddedig mewn gwaith cymunedol ac ieuentid	York St John University”
“Gradd israddedig mewn gwaith ieuentid a chymunedau	Birmingham City University”
“Gradd israddedig mewn gwaith ieuentid a datblygu cymunedol (gyda llwybrau)	University of Derby”
“Gradd israddedig mewn gwaith ieuentid ac ymarfer yn y gymuned	University of Central Lancashire”
“Gradd israddedig mewn gwyddor gymdeithasol, datblygu cymunedol a gwaith ieuentid	Goldsmiths College, University of London”
“Gradd ôl-raddedig mewn astudiaethau plentyndod ac ieuentid (gwaith ieuentid)	University of Sunderland”
“Gradd ôl-raddedig mewn arweinyddiaeth ieuentid a chymunedol	University of Northampton”

- (b) (i) Yn y cofnod ar gyfer “Gradd ôl-raddedig mewn gwaith ieuentid a chymunedol”, yn y golofn o dan y pennawd “corff dyfarnu” mewnosoder “London

Metropolitan University” yn y lle priodol;

- (ii) Yn y cofnod ar gyfer “Gradd israddedig mewn datblygu cymunedol a gwaith ieuentid”, yn y golofn o dan y pennawd “corff dyfarnu” mewnosoder “University of Wolverhampton” yn y lle priodol;
- (iii) Yn y cofnod ar gyfer “Gradd israddedig mewn datblygu ieuentid a chymunedol”, yn y golofn o dan y pennawd “corff dyfarnu” mewnosoder “Bradford College” yn y lle priodol;
- (iv) Yn y cofnod ar gyfer “Gradd israddedig mewn gwaith ieuentid a chymunedol”, yn y golofn o dan y pennawd “corff dyfarnu” mewnosoder “Newman University” ac “University of Bedfordshire” yn y lleoedd priodol;
- (v) Yn y cofnod ar gyfer “Gradd israddedig mewn gwaith ieuentid”, yn y golofn o dan y pennawd “corff dyfarnu” mewnosoder “Nottingham Trent University” ac “University of East London” yn y lleoedd priodol; a
- (vi) Yn y cofnod ar gyfer “Gradd israddedig mewn gwaith ieuentid a datblygu cymunedol”, yn y golofn o dan y pennawd “corff dyfarnu” mewnosoder “Liverpool Hope University” yn y lle priodol.

(4) Yn Nhabl 3: yr Alban, yn y lleoedd priodol mewnosoder—

---

*Cymwysterau o ran yr Alban*      *Corff dyfarnu*

---

“Diploma ôl-raddedig mewn addysg gymunedol	University of Dundee”
“Diploma ôl-raddedig mewn addysg oedolion, datblygu cymunedol a gwaith ieuentid	University of Glasgow”
“Gradd israddedig mewn addysg a datblygu cymunedol	University of Glasgow”
“Gradd israddedig mewn addysg	University of Glasgow”



gymunedol “Gradd israddedig mewn addysg gymunedol (gan gynnwys llwybr seiliedig ar waith) “Gradd israddedig mewn dysgu mewn cymunedau	University of Dundee”  Moray House Institute of Education University of Edinburgh”
---	---

(5) Yn Nhabl 4: Gogledd Iwerddon, yn y lle priodol mewnosoder—

---

***Cymwysterau o ran Corff dyfarnu  
Gogledd Iwerddon***

---

“Gradd israddedig mewn diwinyddiaeth gymhwysol (gwaith ieuenctid a chymunedol)	Moorlands College and Youth Link”
--	--------------------------------------

(6) Yn Nhabl 5: Cyrff dyfarnu eraill sy’n dyfarnu cymwysterau yn y Deyrnas Unedig, yn y lleoedd priodol mewnosoder—

---

***Cymwysterau Corff dyfarnu***

---

“Diploma ôl-raddedig mewn cenhadaeth a gweinidogaeth (gwaith ieuenctid a chymunedol)	Institute for Children, Youth and Mission”
“Gradd israddedig mewn diwinyddiaeth ymarferol (gwaith ieuenctid cymunedol)	Institute for Children, Youth and Mission”
“Gradd israddedig mewn plant, pobl ifanc a theuluoedd	YMCA George Williams College”